

سنه لکی در سعادت ایچون مجیدیه
یکرمی غروش حسابیله التمش
غروشدر

طشره ایچون بوسته اجرتی اوله رق
اون بش غروش ضم اولتور

نسخه سی ۴۰ پاره در

تَبْلِیغات

آبونه اولمق ایستینلر دائره عدلیه ده
اداره مخصوصه سنه مراجعت
ایتملدر

اعلاناتک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولتور. محتویاتی امور عدلیه متعلقدر

تَبْلِیغات

محکمه تمیز جزا دائره سندن اون بش سنه طرفنده
نقضاً و تصدیقاً اعطا اولنان اعلاماتدن اکثرینک
خرج و جزای نقدیلری تحصیل ایدیلرک بقایاده
قلمش اولدینی اعلامات مذکوره عدلیه شمیدی به
قدر وقوعبولان تحصیلات مقداری مقایسه سندن
اکلاشلمش و بو مثللو بقایانک تحصیل واستیفاسنه
متمادیا سعی واعتنا ایدلما سی حقوق خزیننه نک ضیاعنی
بادی اوله رق بو ایسه اصلا قرین جواز اوله میه جنی
درکار بولنش ایدوکنه بناء ولایت مرکزیه الویه
ملحقه یه عائد اولمق اوزره نقضاً و تصدیقاً مدت
مذکوره طرفنده اعطا و ارسال قلمش اولان اعلا-
ماتک اصل و صورتلرینه بالمرجه نه مقدار بقایا وار
ایسه مقدارینی ناطق برقطعه مفردات دفترینک بالتظیم
سریعاً و مصداقاً ارسال اولنسی و بونلر میاننده محل
تحصیلی مفقود اولانلرده بولنه بیله جکندن بوکیبلر
حقنده دخی تحقیقات لازمه بالاجرا دفترده اسامی
حذا سنه شرح ویرلمسی ایله برابر بر طرفندن ده
اعلامات مذکوره نک محتوی اولدقاری خرج و جزای
نقدیلرک تعلیمات مخصوصه سی موجبنه تحصیل و ارسالیه
حقوق خزیننه نک ضیاعدن وقایه سنه اهتمام ایدلمسی
عدلیه نظارت جلیله سندن عدلیه مفتشلک لرینه تعمیماً
اشعار اولنمشدر.

محاکمات و مقدمات

درامه سنجاغی بدایت محکمه سی جزا دائره سی رئیس
سابق جواد افندی نک اوراق انفصالیه و مدافعه نامه سی
انجمن انتخاب مأمورین عدلیه جه لدی التدقیق جواز
استخدامنه قرار ویرلمشدر.

سروچک ناحیه سنک کلدره قریه سی اهالی سندن
احمد بن عبداللهی قتل ایلدیکی ادعا قلم سندن دولای
جنایتله اتهام اولنان امین بن احمدک اون بش سنه

مدتله کورکه قونل سنه دائر سلیمانیه سنجاغی بدایت محکمه-
سی جزا دائره سندن ویریلان ۲۰ نومرولی اعلام
محکمه تمیز جزا دائره سنجه تصدیق اولنمشدر.

کوملجنه قصبه سنک یکججه محل سندن خلیل ابراهیم
بن حسین ایله رفقا سنک مسلحاً اوکلرینه چیقهرق
معامله جبر و شدت اجراسیله اچیه و اشیا لرینی اخذ
و غصب یتلرندن دولای جنایتله اتهام اولنان محمد علی
و محمد بن خلیل و اوسته اوغلی حسن و حسین بن
خلیلک بشر سنه مدتله قونلرینه دائر کوملجنه بدایت
محکمه سی جزا دائره سندن ویریلان ۶۹۹ نومرولی
اعلام محکمه تمیز جزا دائره سنجه تصدیق اولنمشدر.

اسکیشهر قضا سنک کراچک قریه سی اهالی سندن
تفکجی مصطفانک دکرمانی قصداً احراقه تصدی
ایلدیکی ادعا قلم سندن دولای جنایتله اتهام اولنان ابراهیم
بن احمدک اوچ سنه مدتله کورکه قونل سنه دائر کوتاهی
سنجاغی بدایت محکمه سی جزا دائره سندن ویریلان
۵۹۵ نومرولی اعلام محکمه تمیز جزا دائره سنجه
تصدیق اولنمشدر.

مزه قریه سی اهالی سندن محمد بن یوسف شیدیک نک
نقودینی معامله جبر و شدت اجراسیله سرقت ایلدیکی
ادعا اولن سندن دولای جنایتله اتهام ایدیلان شامک
باب الریمه محله سی ساکنلرندن کامل بن محمودک اوچ سنه
مدتله کورکه قونل سنه دائر سوریه ولایتی استیناف محکمه-
سی جزا دائره سندن ویریلان ۱۰۷ نومرولی اعلام
محکمه تمیز جزا دائره سنجه تصدیق اولنمشدر.

قولونیه قضا سنک قیونات قریه سی اهالی سندن
بابایانینک معامله جبر و شدت اجراسیله نقود و اشیا سی
اخذ و غصب ایتدکلری ادعا سندن دولای جنایتله اتهام
اولنان دینه ولد و اسیل باستی و دینه ولد خاریس و قو-
چو ولد پنا یوطک دردر سنه مدتله کورکه قونلرینه
دائر یانیه ولایتی استیناف محکمه سی جزا دائره سندن

ویریلان ۳۵ نومرولی اعلام محکمه تمیز جزا دائره سنجه
تصدیق اولنمشدر.

اماسیه نک ارسالان قریه سندن قریه بیون اوغلی
عثمان بن حسنی جر حله اغنامنی سرقت ایلدیکی ادعا
قلم سندن دولای جنایتله اتهام اولنان چورلی قریه لی
طنغال اوغلی احمدک طقوز سنه مدتله کورکه قونل سنه دائر
اماسیه سنجاغی بدایت محکمه سی جزا دائره سندن ویریلان
۵۵ نومرولی اعلام محکمه تمیز جزا دائره سنجه
تصدیق اولنمشدر.

قهوه چی نیقولی ولد استلیوی جرح و قتل ایلد-
کلری ادعا سندن دولای جنایتله اتهام اولنان از میرده
مقیم روسچقلی رشیدی بن عارفک اون بش و رفیق
آرابه چی نجیب بن نورینک اوچ سنه مدتله کورکه
قونلرینه دائر آیدین ولایتی استیناف محکمه سی جزا
دائره سندن ویریلان ۱۰۸ نومرولی اعلام محکمه تمیز
جزا دائره سنجه تصدیق اولنمشدر.

بیان آباد قضا سنک اکری آلریران قریه سندن
جوبان محمدک جرح ایله تعطیل عضوینه سبیت ویر-
سندن دولای جنایتله اتهام اولنان یعقوب بن کرد
عثمانک اوچ سنه مدتله کورکه قونل سنه دائر انقره
ولایتی استیناف محکمه سی جزا دائره سندن ویریلان ۱۴
نومرولی اعلام محکمه تمیز جزا دائره سنجه تصدیق
اولنمشدر.

والده سی اورکوش خاتونی قتل ایلدیکی ادعا
اولن سندن دولای جنایتله اتهام اولنان رادویشته
قضا سنک قولاغوزلی قریه سندن شریف بن تیمورک اون
بش سنه مدتله کورکه قونل سنه دائر قوصوه ولایتی
استیناف محکمه سی جزا دائره سندن ویریلان ۱۷۹
نومرولی اعلام محکمه تمیز جزا دائره سنجه تصدیق
اولنمشدر.

۱۶۵ نومرولى نسخه ده مندرج در سعادت جنایت محکمه سی اعلامنک مابعدی :

بک اوغلنده غلطه سرائی خاننده اون بر نومرولى مغازه ده مسکرات تاجری یونانی یکرى سکر یاشنده قسطنطنیوس بابایانوبولوس ولد خرملبو دخى بر سینه مقدم متهلردن دیمستوقلینک دکانه طالب اوله رق مرقوم دیمستوقلى دکانه یوز یتش لیرا ایستوب کندوسى یوزاللى بش لیرا ویردیکی حالد دیمستوقلینک دکانی ویرمدیکی و بودکانی اتیودروس معرفیه المغه تشبث ایتدیکنی و یوزالرق برسته مقدم اولمش ایسه ده حریقندن نه قدر مقدم ایدوکنی تعیین ایده میه جکنى انبا ایتدی .

یونک اوزرینه متهلر طرفندن اقامه ایدلمش اولان دیکر قسم مدافعه شهودینک دخى جلب واستا- عارى ضمنتده محاکمه نك يوم آخره تعلیقته متفقاً قرار ویرلوب شباطک اون یشنجی کونى متهلر توقیفخانه دن کتوردیلرک وکیللری سلیم حسنى وخبارسوم افندیلر ایله استئناف مدعى عمومیلکی باش معاونى سعادتلو عزیز بک افندى موقع مخصوص- صالرئده اولدقلری حالد مدعى شخصی راشد افندى به جلبنامه تبلیغ ایدلمش ایکن ورود اجتماعه بناءً انک غایبده محاکمه علنیه دوامله هیئتجه قسماً تبدل وقوعه منى ضوابطه سابقه قرائت ایتدیرلرک مندر- جاتى طرفین تصدیق ایلدی .

واقع اولان استیضاح اوزرینه متهلر وکیللردن سلیم حسنى افندى بکره دعوت اولسان مدافعه شهودى دخى لوینک اثنای حریقده اوپودینی صروده اوپادیرلدیغنى و محترق دکانده کی مالک مقداری خبر ایده جکلى سوبلدى .

دعوت واقعه منى ورود ایتش اولان مدافعه شهودى یکان یکان حضور محکمه به چیقاریلرک لدی السؤل متهلر ایله مدعى شخصی راشد افندى به قرابت و مناسبت و خصوصتاری اولدیغنى لدی السؤل اکلاشدقندن و علی الاصول تحلیقلری اجرا قلندقدن صکره منفرداً و مواجهه استماع اولندقلرنده بونلردن بک اوغلنده جاده کیرده مقیم غزته بحررى اوتوز طقوز یاشنده از میرلی علسکندر زپسى ولد ذاق حریقندن برایی کون مقدم متهلرک دکانه کیتدیکنی و دکان قطیقه دوشمه لی و آینه لی اولدیغنى و یوز لى کشى قدر استیجاب ایده جکنى و دکانده کی اموالک قیمتی تقدیر ایده میه جکنى و لوئی ایله دیمستوقلینک اورتاق اولوب اولدقلری بیلمدیکی سوبلدى .

بک اوغلنده غلاوانی زقاغنده سکر نومرولى دکانده بیراخانه جی اوتوز طقوز یاشنده ایتالیا دولتی

تبعه سندن یوزه به ولد برقی متهلرک دکانه حریقندن مقدم کوندوز کیتدیکنی و دکان دروننده شکرله و مشروبات کتوله بولدیغنى و شیشه لرک طولواولدیغنى کوردیکی و مذکور دکانه دائماً کیتمکه ایدوکنی و دکان دروننده دزت یوز لیرالق قدر مال موجود اولدیغنى و دکان یوز کشى اوطوره جق قدر بیسولک ایدوکنی درمیان ایتدی .

بک اوغلنده جاده کیرده اوچبوز یکرى بش نومرولى مغازه ده طباغی شارل ولد وادریان متهلردن لوینک محترق دکانه قرق و مقدما طودینی دکانه یکرى لیرالق مال ویردیکنی و قرق لیرالق مالی لوینک محترق دکان طودینی زمان اعطا ایتدیکنی و لوینده آله جنى اولدیغنى افاده ایلدی .

غلطه ده قره کوبده بک خاده مقیم شکرله جی اوتوز بش یاشنده استانلی باغوبولوس ولد قسطنطنین لوینک مقدما طودینی دکانه کچن سنه اوچ بیک بدی یوز فراقلق مال ویردیکنی انبا ایتدی .

بک اوغلنده باباس کورپسند مبخانه جی الی یاشنده مورلى پناو و لد یانی متهلردن لوینک مقدما طوتوب یاتامش اولان دکانه اوتوز لیرالق مال ویردیکنی اتیان ایتدی .

غلطه ده برالتی جامع شریفی جوارنده نومروسز مغازه ده مقیم ما کولات تاجری اوتوز یاشنده هیئى ولد اندر لوینک مقدما طوتوب یاتامش اولان دکانه یکرى لیرالق مال ویردیکنی و بدی سکر یوز غروش قدرده الاجبى اولدیغنى سوبلدى .

بک اوغلنده بکی چارشوده نومروسز دکانده مقیم الی یاشنده باقو ولد بانوبولو حریقندن بش التی کون مقدم لوینک دکانه کیتدیکنی و دکانه مال بولدیغنى کورمش ایسه ده قیمتی تعیین ایده میه جکنى بیان ایتدی .

بک اوغلنده بکی چشمه ده مقیم غلطه ده بانوبولو خاننده شکر جی قرق یاشنده ایتالیا دولتی تبعه سندن قسطنطنین ولد فرانسوا حریقندن یکرى کون ویا بر ماه مقدم لوینک محترق اولان دکانه بیک بش یوز غروشلق و مقدما طودینی دکانه بیک غروشلق چیقولاته وابسته وسارنه ویردیکنی افاده ایتدی .

بک اوغلنده لاتین چیقماز زقاغنده واقع مسکرات فایر قسند ساکن اسویجره لی قرق بدی یاشنده رهجو نیقولا لاس ولد سالواتور لوینک محترق دکانیه مقدما طودینی دکانه قرق بش لیرالق قدر مال ویردیکنی و محترق دکانه ویردیکی مال حریقندن تخمیناً بر بر بقیق آى قدر مقدم ایدوکنی و لوینک کندوسنه بوجی یوق ایسه ده بومالدى بش اون غروش اسقونظو اتمک ایتدیکنی سوبلدى .

بک اوغلنده ساقز اغاجی جاده سنده ساکن مرانغوز یکرى بدی یاشنده استانلی طناش ولد هکتور لوینک مقدما طودینی دکانه ایکی سنه اول جامکان و موستره و دوشمه لری کندوسى یایدیغنى و یو موستره لره یوز بش لیرا قدر صرف اولدیغنى و یو جامکان محترق دکانه کندوسى طرفندن نقل ایدیلرک برلشدریلى ایچون دخى اون بش لیرا قدر صرف ایدلیکنی انبا ایلدی .

استانبوله آصمه التنده نومروسز دکانده مقیم شکر جی قرق یاشنده غلوصلى انطاش ولد یانی دخى متهلردن لوئی کندوسندن دزت بیک بش یوز غروشلق مال آله رق محترق دکانه کتورمک اوزره حاله ویردیکنی سوبلدى .

بک اوغلنده حبللی زقاغنده اوچ نومرولى خانه ده مقیم قومیسونجی الی اوچ یاشنده باقو ولد غراوارپاس دخى متهلردن لوئی کچن سنه افرنجی کانون اولدن نیسانه قدر کندوسندن بیک اوچبوز اوتوز التی فراقلق بادم و شکرله آدیغنى و بومالی یاتیمان مغازه ده بولدیغنى زمان آلمش اولدیغنى افاده ایلدی .

(مابعدی کلک نسخه به)

غلطه ده از میرلی قتیبه جرح و قتل ایلدیکی اداسیه متهلر بولتان بر محمد حقدنه اجرا قلنان محاکمه نتیجه سندن مرقومک دقتسزک و نظامانه رعایتسزک اثری اوله رق مز بوره جی جرح ایدرک وفاته سیدیت ویردیکی روش افاده سی و دلالت و قرائن و معاینه راپوری ایله ثابت اولدیغندن اول وجهله قتل مذکورک فاعلی اولدیغنه و قانون جزانک یوز سکسان ایکجی ماده سنه توفیقاً وابتدا سلاح ایله کندوسى ملاطفه به باشلامسندن ناشی جزاسی تشدید ایکی سنه مدته حبسنه ۳۰ نیسان سنه ۳۱۹ تاریخده محکمه جناججه قرار ویرلشدر .

جرخجی اوسته سی اسماعیل اغایه اطاله لسان ایدن حسنک ایکی کون حبسنه آداب سورنجیمی آرتینی ضرب و جرح ایدن جانباز محمد بن محمدک ایکی آى حبسنه یکدیگرى ضرب ایدن اندیرقونک یکرى کون حبسنه و علسکندر روس ایله یورکیدن بر بقیق آلتون الهرق اندیرقوبه ویرلسته

بالق بازارنده دقیق تجارتدن نیقولا کی به اطاله لسان ایدن جناحی خاننده ساکن صوفوقلینک التی کون حبسنه

سابقی عباس فوزی افندینک مواد معینه ده خلاف نظام معاملاتی اکلاشدیغنه دائر قسطنطنی و لاتی استئناف مدعى عمومیلکته کوندیرلان اوراق تحقیقه اوزرینه وظیفه شرعیه سنه عايد اولوب احاددن شرکی اولقی اعتباریه تدقیقاتی جهت عدلیه به تودیع ایدلمش اولان افاندن ناشی دخى حقدنه معاملات قانونیه اجرا ایدلمک اوزره وظائف عدلیه سنه متفرع خصوصان طولانی محاکمه آلتنه آلمسنه عدلیه نظارت جلیله سندن مأذونیت اعطا و مذکور مدعى عمومیلکته تبلیغات لازمه اجرا ایدلشدر .

اعلانات

در سعادت استئناف مدعى عمومیلکته :

بیک اوچبوز اون سکر سنه سی المولنک اون برنجی کججسی ططااولده کتخد زقاغنده کاش ایتالیا دولتی تبعه سندن تحفجی دیمترینک خانه سندن سرقت تصدی ایتدیکری اداسیه مظنون بولتان اشخاصدن اولوب ططااولده طناش زقاغنده قرق طقوز نومرولى خانه ده متصرفا ساکن ایکن فراد ایدن اوزره بویلی قرال بیسقی الا کونلی قرال قاشلی بغدادی بکرلی لاترینه جی یکرى طقوز یاشنده قوجو ولد نیقولینک اصول محاکمات جزائی قانوننک مواد مخصوصه سی احکامنه توفیقاً در سعادت جنایت محکمه سنده محاکمه سی اجرا قلنمق اوزره قانون جزانک ایکبوز اوتوزنجی ماده سی دلالتیه ایکبوز یکرنجی ماده سی موجبجه جنایتله اتهامه قرار ویرلیدیکندن متهل مرقومک هر زره کوریلور ایسه طوتیلوب محکمه مذکوره توقیفخانه سنه تسلیمی لازم کلک جکی بالجه ضابطه عدلیه مأمودلرینک معلومی اولقی اوزره اشواخذ و گرفت مذکره سی در سعادت هیئت اتهامیه سندن بالتنظیم اعطا قلندی .

برنجی محکمه تجارتده :

اوستریا دولتی تبعه سندن و تجارتدن دولت مشارالیه نك ستانار شهرنده مقیم آفونس طوماننک وکیللری موسیو ل . م . ماوره و امانوئل کورجیان افندینک تبعه دولت علیه دن دهرانیان خاننده قومیسونجیقل ایتمکه ایکن الیوم اقامتکاهی مجهول بولدیغنى خبر ویریلان م . س . ز علینه بر صدق صدق قویچه نك تسلیمی خصوصه دائر محکمه تجارت برنجی مجلسنده اقامه ایلدیکی دعوانک اشبو ۱۳۱۹ سنه سی مایسنک

یکرمی سکرنجی چهارشنبه کونى ساعت التیده فصل ورؤیته مباشرت اوله جغدندن مرقوم م . س . نرک یوم ووقت مذکوره محکمه مز بوره ده حاضر بولمسی و یاخود مصدق سنده بر وکیل کوندرمى لازم کلک جکی و شاید کلز وکیل کوندرمى ایسه دیکر طرفک وقوع بوله جق طلی اوزرینه حقدنه معامله غیایسه اجرا قلنه جنى معلوم اولقی اوزره تنظیم اولتان دعوتیه ورقه سی علی الاصول محکمه نك دیواخانه سنه تعلیق قلندیغنى کی اوراق حوادث واسطه سیله دخى اعلان اولنور .

نجات بحریه محکمه سنده :

یش اسسکه سنده ۱۵ نومرولى مغازه ده مقیم غازینو جی نیقولا بدیس بالیدیسک ۶ مایس سنه ۳۱۹ تاریخندن اعتباراً اعلان افلاسنه و مصالح افلاسنه نك رؤیت و تسویه سی ضمنتده اعضا ملازی عزت لواسماعیل بک زوز قومیسرو دعوی وکیللردن علسکندر بیرام اوغلی افندینک موقت سندیک تعیینلرینه و مغازه سیله اشای زانده یتیه سنک تمهیرینه و اوراق و دفاترینک جلبنه و کفالت ارانه ایده مدیکی تقدیرده حبس و توقیفه و یوباده کی قرارک موقه اجراسنه محکمه تجارت بحریه ججه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولتیق اوزره مایسک یکرى برنجی چهارشنبه کونى ساعت بدی راده لرده اصحاب مطلوبک محکمه مذکورنک افلاس اوطه سنه کلری اعلان اولنور .

بک اوغلنده جاده کیرده ۳۲۲ نومرولى مغازه ده مقیم تحفه تجارتدن طاشجیان داره جیان برادرلر شرکتک ۶ مایس سنه ۳۱۹ تاریخندن اعتباراً اعلان افلاسنه و مصالح افلاسنه نك رؤیت و تسویه سی ضمنتده اعضا محکمه دن عزت لوماردار افندینک زوز قومیسرو دعوی وکیللردن آکابه ایله روپن پایسان افندینک موقت سندیک تعیینلرینه و مغازه سیله اشای زانده یتیه سنک تمهیرینه و کفالت ارانه ایده مدیکی تقدیرده حبس و توقیفلرینه و یوباده کی قرارک موقه اجراسنه محکمه تجارت بحریه ججه قرار ویرلش اولدیغندن قانوننامه تجارتک ۱۷۰ نجی ماده سی موجبجه دائمی سندیکلر انتخاب اولتیق اوزره مایسک یکرى برنجی چهارشنبه کونى ساعت بدی راده لرده اصحاب مطلوبک محکمه مذکورنک افلاس اوطه سنه کلری اعلان اولنور .

ایکجی نجات محکمه سنده :

اولجه غلطه ده قلفات برنده کراسته جی مغازه سنده

مخبریات لایتنانیه

بولی سنجانجی نائب و بدایت محکمه سی رئیس

مقيم كراسته جي كرايو كوسه اوغلي ويواناكي قرمان اوغلي شركتلك ۳۱۹ مائس سنه ۳۱۹ تاريخندن اعتباراً اعلان افلاسنه ومصالح افلاسيه نك رؤيت وتسويه سي ضمنتده اعضاي محكمه دن سعادت لورضا بلك ژورقو ميسر ودعوى وكيللرندن خريسانطوس طومايديس وظريف افنديلرلك موقت سنديك تعيينلرينه ومغازه سنك تمهيري نه واوراق ودفاترينك جنبه وكندولرينك كفالتة ربطنه وبوبابده كي قرارك موقه اجراسنه ايكنجي تجارت محكمه سندن قرار ویرلش اولديغندن قانوننامه تجارتك ۱۷۰ نجی ماده سی موجبجه دائمی سندیكلر انتخاب اولنق اوزره ۳۱۹ سنه سی مایسنك اون یدنجی جمعه ایرتسی كونی ساعت یدی راده لرنده اصحاب مطلوبك محكمه مذكوره نك افلاس اوپه سنه كللری اعلان اولنور.

باقی بازارنده ۱۰۱ نومرولی دكانده مقيم قصاب پترو ولد طناش هاجوپلوسك ۵ مائس سنه ۳۱۹ تاريخندن اعتباراً اعلان افلاسنه ومصالح افلاسيه نك رؤيت وتسويه سي ضمنتده اعضاي محكمه دن سعادت لورضا بلك ژورقو ميسر ودعوى وكيللرندن ديموستی افنديلرلك موقت سنديك تعيينلرينه ومغازه سيله اشياى زائده بيتيه سنك تمهيري نه واوراق ودفاترينك جنبه وكفالت مصدقه ارايه ايدمه ديكي حاده حبس وتوقيفه وبوبابده كي قرارك موقه اجراسنه ايكنجي تجارت محكمه سندن قرار ویرلش اولديغندن قانوننامه تجارتك ۱۷۰ نجی ماده سی موجبجه دائمی سندیكلر انتخاب اولنق اوزره ماه حالك بكرمی برنجی چهارشنبه كونی ساعت التي راده لرنده اصحاب مطلوبك محكمه مذكوره نك افلاس اوپه سنه كللری اعلان اولنور.

اعلامات شرعية اجرا دائره سنده :

مرحوم بودرومی حاجی عمر لطفی افندی ورته سنك متوفی حاجی عمر افندی ذمتده اسکدار محكمه سندن اعطا اولنان مقتضا اعلامی موجبجه الاجنی اولان مبالغ معلومه نك تأمین استیفا سی ضمنتده مرهون وفروختی محكوم بولنان اسکدارده قیواغلی نام محله عراقیه جی حاجی محمد محله سنده طوطاشی جاده سنده کائن درت یوز اون التي نومرو ایله مرقم ایکی باب خانه وبرقهوه دکائی مشتمل برقطعه بوستان دروننده مستقر حرمین الشریفین وقفی کد کاتندن نظامی بوستان کدکی بوندن اقدام لدی المزايدة لیرای عثمانی یوز غروش حسابیله طقوز بیک غروش بدل ایله طالبی اوزرنده تقرر ایتش اولدیغندن یوزده بش ضمیله زیاده طالب اولنلرک اشبو تاریخ اعلانندن

اعتباراً اوتوز برکونه قدر مراجعت ایلمری ومدت مذکوره ختامندن صکره ضم قبول اولنمیوب تقرر ایدن بدل مقابلنده مذکور کدکک طالبی عهده سنه معامله فراغیه سنك اجرا قلمه جفی درسعادت اعلامات شرعية اجرا دائره سندن اعلان اولنور.

اعلامات نظامی اجرا دائره سنده :

خره بوسك بااعلام نظامی زهرا خانم ذمتده الاجنی اولان مبالغ تأمین استیفا سی ضمنتده داین عهده سنه وفاء مفروغ وفروختی محكوم بولنان اناطولی حصارنده کوکسو محله وجاده سنده واقع تخمیناً یوز اوتوز آرشون عرصه اوزرینه مبنی التي اوپه وبرصفه وبرصالون وایکی بودرومی وتخمیناً ایتش آرشون عرصه اوزرینه مبنی فوقنده براوپه وتختنده برآخور وبرعدد چاشورلق وبر مطبخی وایکی دویم اراضی بی حاوی مکریدی نومرولو کوشك ومشملا تنك تمامی بالمزایده لیرا یوز غروش حسابیله قرق التي بیک غرو شده طالبی عهده سنده تقرر ایدرک موقتاً قرار داده سی کشیده قلمش اولغله یوزده بش ضم ایله زیاده طالب اولانلرک بی اچله یله برابر تاریخ اعلانندن اعتباراً اوتوز برکونه قدر درسعادت اعلامات نظامی اجرا دائره سنده مراجعت ایلمری اعلان اولنور.

اسکدار بدایت محکمی اجرا دائره سنده :

عایشه خاتمک فاطمه زهرا خانم ذمتده بک اوغلی بدایت محکمی اعلامیله الاجنی بولنان مبالغ تأمین استیفا سی ضمنتده حجز آلتله النان اسکدارده عراقیه جی حاجی محمد محله سنده طوطاشی جاده سنده برطرفی ناجیه خانم باغچه سی و دیگر طرفی مرحوم احمد پاشا ورته سی باغچه سیله بهاء الدین وحسین بکلرک منزل وباغچه لری و طرف دیگر ای سبق لئی متصرفی رضا بک خانه وباغچه سی و طرف رابی طوطاشی جاده سیله محدود دروننده طاش ایله اورلش بر بوستان قیوسی ایله محل آخره جریان ایدن صو مصلنی واشجار مثمره وغیر مثمره بی حاوی طقسان بش نومرولی والدیه سی متوفاه قمر خاتمندن انتقال ایدمه جک تخمیناً ایکی بیک درت یوز ذراعندن عبارت بوستانک اوج ربع حصه شایعه سندن بر ربع حصه سی عند المزايدة لیرا یوز غروش حسابیله بیک بشیوز غرو شده طالبی عهده سنده تقرر ایدرک تاریخ اعلانندن اعتباراً برماه ختامنده قرار قطعی سی ویرله جکی جهتله یوزده بش ضمیله زیاده طالب اولنلرک مدت مذکوره ظرفنده اسکدار بدایت محکمی اجرا دائره سنده مراجعت ایلمری اعلان اولنور.

قرتال قضاسی بدایت محکمی اجرا دائره سنده : هکبلی اظه ساکنلرندن سقا نیقولینک پاپاه مقاریوس ورته سندن اندون وطودوری وخریس ذمتلرنده قرتال بدایت محکمی سندن استحصال ایدوب موقع اجرایه وضع ایلدیکی برقطعه اعلام قطعی موجبجه مصارف محاکمه واعلام وصورت وتبلیغ خرجی ایله مصارف اجرایه دن مطلوبی اولان مبالغ معلومه محكوم بهانک تأمین استیفا سی ضمنتده مرقو موندن آندون وهمشیره سی خریسک اظه مذکوره یوکسک زقاقده کائن طرفلری قره واسیل ودکرمان زقانی قاویدر بورغاک ورته سی عرصه سی ویا بلومات ومناستر دنیلان طریق ایله محدود عبیدی افندی ورته سندن مفروغ متصرف اولدقلری ایکی بیک طقسان درت ذراع ایکی نومرولی برقطعه عرصه ده کی بش حصه اعتباریله اوج حصه شایعه لیرنک حجز آلتله آلنهرق تاریخ اعلانندن اعتباراً اون بش کون ختامنده موقع مزایده یه وضع اولنهرق فروخت ایدیه جکندن طالب اولوب بی سورمک ودها زیاده معلومات آلق ایستیانلرک قرتال بدایت محکمی اجرا دائره سنده مراجعت ایلمری اعلان اولنور.

جنازه بدایت محکمی اجرا دائره سنده :

ترقوس ناجیه سنده تابع استرانجه قریه لی قاتال اوغلی قسطنطنیه ک قرتاشی یورکی ذمتده آله جنی اولان مبالغ معلومه نك تأمین استیفا سی ضمنتده مدیون مرقو مک قریه مذکوره حدودی داخاندده متصرف اولوب اقدجه حجز اولنان شرقاً مرمره دره سی غرباً هاجی لاسقری ترلاسی شمالاً یناکی باغچه سیله محمد چاوش ترلاسی جنوباً بکر می بش اوغلی مصطفی ترلاسیله محدود التي دویم ترلانک تاریخ اعلانندن اعتباراً اون بش کون صکره فروخت اولنهرق جفی اعلان اولنور.

ایوالیه بدایت محکمی اجرا دائره سنده :

ایوالیک کوچک قریه سندن متوفی دیمتری وانکلا ورته سنك نیقوله ولد پنا یوپ قارالی ذمتده بااعلام محكوم به الاجتکک تأمین استیفا سی ضمنتده حجزیه قرار ویریلان ایازمندک قره تپه موقعنده معلوم الحدود اون درت دویم برقطعه زیتونلیکیله التي دویم برقطعه ترلاسی تاریخ اعلانندن اون بش کون صکره بالمزایده فروخت اولنهرق جکندن طالب اولنلرک ایوالی بدایت محکمی اجرا دائره سنده مراجعت ایلمری اعلان اولنور.